



龍

藏

此土著述

普爲出資及讀誦受持
 輾轉流通者回向偈曰
 願此功德 回向有情
 消除業障 增崇福祉
 家門清吉 身心安寧
 生入聖域 沒往西方
 先亡祖妣 歷劫怨親
 俱蒙佛慈 獲本妙心
 兵戈永息 禮讓興行
 人民安樂 世界和平
 四恩總報 三有齊資
 法界眾生 同證菩提

This book is for free distribution. It is not for sale. Printed in Taiwan.

公元二〇〇七年八月出版 恭印貳仟套

乾隆大藏經

景印重編
 句讀版本

倡印者：淨空法師

印贈者：香港佛陀教育協會

出版者：財團法人桃園縣至善教育事務基金會

地址：桃園縣中壢市過嶺里16之38號

電話：(〇三) 四二〇—七八〇九

傳真：(〇三) 四二〇—七八一三

淨空法師
 影音網址
<http://www.budaedu.org.hk>
<http://www.amtb-aus.org>
<http://www.chinkung.org>

E-mail：
amtbhk1@budaedu.org.hk
purelandcollege@iinet.net.au

承印者：世樺國際股份有限公司 (〇二) 二二四六九九二八

ISBN 978-986-83622-0-8

御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第一一九冊目次

諸宗部此土著述

一六六賢首五教儀十卷

清法續集

一 一七一

一六六五重訂教乘法數三十卷

明圓漸集

卷第一、卷第三〇

御製重訂教乘法數序

一七二 一七三

教乘法數原序

一七四 一七五

(一) 一 數(卷一)

一七六 一九一

(二) 二 數(卷二、五)

一九二 二四〇

(三) 三 數(卷六、九)

二四一 三〇四

(四) 四 數(卷一〇、一三)

三〇五 三八九

(五) 五 數(卷一四、一七)

三九〇 四四七

(六) 六 數(卷一八、一九)

四四八 四七六

(七) 七 數(卷二〇)

四七七 四九五

(八) 八 數(卷二一)

四九六 五一四

(九) 九 數(卷二二)

五一五 五二九

(十) 十 數(卷二三、二六)

五三〇 五八八

一六六六御選語錄四十卷

清世宗御錄

(十一) 數十一以後(卷二七、三〇) 五八九、六四五

卷第一、卷第二〇

六四六、一〇九四

御製總序 六四六、六四八

御製序 六四九

御選語錄總目 六五〇、六五一

(一) 僧肇法師(卷一、二) 六五二、六七九

(二) 永嘉禪師(卷三) 六八〇、七〇四

(三) 寒山大士(卷四) 七〇五、七二一

(四) 拾得大士(卷四) 七二一、七二六

(五) 瀉山禪師(卷五) 七二七、七三五

(六) 仰山禪師(卷五) 七三五、七四六

(七) 趙州禪師(卷六) 七四七、七七三

(八) 雲門禪師(卷七) 七七四、八〇〇

(九) 永明禪師(卷八、九) 八〇一、八五四

(十) 紫陽真人(卷一〇) 八五五、八六五

(十一) 雪竇禪師(卷一一、一二) 八六六、九〇二

(十二) 圓悟禪師(卷一三、一五) 九〇三、九七九

(十三) 玉琳國師(卷一六、一七) 九八〇、一〇二五

(十四) 苧溪禪師(卷一八) 一〇二六、一〇四二

(十五) 王圓明居士(卷一九、二〇) 一〇四三、一〇九五

引

殆一

天台賢首隨宜示法。說天台賢首法者。不自知也。後人起念便隔。作兩截。重天台失天台。重賢首失賢首矣。執相泥名。分河立幟。此末法大弊。通人宜無所揀擇。軒輊於其間也。賢首宗闕五教儀。百亭法師爲補綴成之。以毒攻毒。以楔出楔。且憑楮墨施平等。莫向首端安是非。殆不獨爲賢首宗之功臣矣。東南義虎畧見一斑。爲兩宗左右袒者。即勿寓目焉。可也。

康熙庚申立秋日順天府府丞錢唐戴京曾題

賢首五教儀序

華嚴稱根本法輪。不唯爲開漸之本。亦且爲攝末之本。竺乾震旦。咸最尊尚。諸佛歷祖。遞代師承。自龍樹依之。判二種般若。天親依之。闡六相圓融。杜順依之。而演三觀。雲華依之。而開十玄。至賢首大師。則依此而立宗判教。離台家之四。以爲五。復得清涼憲章。啟十門而會性。相二教。圭峯祖述。叙五義。而揀空性。兩宗此皆神明天縱博瞻。旁通故能各騁辯才。弘敷妙趣。或造論或釋經。法界宗旨。燦然明備。而一大時教。已罄無遺蘊矣。厥後繼圭峯而起者。雖代有哲人。然而兼綜條貫。洵茂以加。莫能更讚一詞。乃昧者不察。讀一不讀。一廢目而任耳。伐異以黨同。或譏其伏斷。皆無或指爲教觀兩失。在台衡。從上諸師。或慮

兩家末裔。濫以賢首之旨。混入己宗。故弗惜
嘵嘵而貶駁過當。何意曾玄輩。遂拾牙瀋。逞
狂矜妄肆詆訶。橫起攻擊。不至飲水分河。不
止噫。疇復知固有。大謬不然者哉。先師寶輪
大師。博極諸宗。尤於華嚴宿有緣契。精研深
入。心領神會。嘗痛賢首未墜之緒。僅爾如綫
誓願振興絕業。以繼往開來。闡法後力弘此
宗。五教十立。蓋無時無處不高提圓唱也。著
五教解。誚論。論賢首宗未知圓義。解二篇大
旨。謂賢首大師之離四以爲五。非悖天台。實
備天台之所未備。清涼紹隆之。即天台以清
涼大師爲大元勳。亦匪爲過。中間晰兩家之
殊途。若鏡懸會兩家之同歸。若璧合且分。銖
不爽纖累無偏。則又若衡平向。使悻悻者見
此。應無從置喙矣。先師謂天台當以清涼大

師爲大元勳。立亦謂先師實天台元勳。不徒
稱清涼嫡裔也。立侍師有年。徒以脫白也。晚
塵封智錮。致望海驚心。入山空手。而慈雲百
兄法師抱穎悟絕倫之姿。親承提命往還咨
決。遂得髓於言下。然深藏若良賈。年來杜門
却掃。單與淨滿晨夕娛遊。禪觀之餘。則檢是
宗教部。及諸祖著述。研磨對會。博觀約取。先
則支分條列。而派析之。後則徹委窮源。而滙
聚之。錄成一書。首分時。次叙儀。次立教。又次
判宗。終以明觀。時則有先後通別。儀有本末
顯密。教有始終頓圓。宗有小大性相。觀則有
方便。有因緣。有對法。有觀門。有六相。有十立。
言簡義詳。理融旨顯。信解行證。了然眉列。讀
此而猶謂之有教無觀得乎。猶謂之伏斷修
證俱無指示得乎。今而後法界宗旨。將不終

屈抑也。已然則是書也。法師固不負爲先師嫡子。溯而上之。將爲圭峯爲清涼爲賢首。以至龍樹諸大師之大元勳。抑併無歉於天台。彼悻悻尋賢首隙者。益無容置喙而平心以觀可矣。乃命名曰賢首五教儀。法師自謂竊比於高麗師。稟玄義而錄出四教儀云爾。夫誰曰不然。茲將授梓屬立弁端立甚喜華嚴根本法輪。儼揭天日也。遂合掌讚歎不顧鄙陋而爲之辭。如此。

梅塢興福教院法弟真立和南撰

序

孔子不可無思。孟子不可無莊周。釋尊不可無慶喜。爲道之須傳也。南嶽不可無智者。戒賢不可無玄奘。達摩不可無慧。可爲教之須人也。又智者不可無章安。玄奘不可無慈

恩。慧不可無僧璨。爲其授受有源而不竭。奕葉相承而無盡也。迨於賢首大師。何獨不然。以言乎師。則有杜順。雲華開其先。以言乎資。則有清涼。圭峯紹其後。其立教也。有始有終。有頓有圓。斷則斷其厚薄。證則正其淺深。位則品其高下。行則定其遠近。顯法相若然。燭之朗明。揀機益比析薪之分割。其判宗也。有小有大有性有相。相則妄相爲相。空則真空亦空。頓則無所不絕。似影離於天日。圓則無所不融。如像含於海空。其分時也。有先有後。有別有通。非先無以知其爲開漸之頓。非後無以知其爲攝末之本。非別無以見說法之次第。非通無以見教理之圓融。其叙儀也。有本有末。有顯有密。非本無以了一乘之頓。實。非末無以識三乘之權漸。非顯無以決擇

其一定。非密無以測度其不定。其明觀也。有方便有因緣。有對法有觀門。有六相有十玄。非方便無以辯修證。非因緣無以明德用。非對法無以解無盡。非觀門無以入法界。非六相無以顯圓通。非十玄無以彰無礙。何者。凡夫見色爲實色。見空爲斷空。故開真空絕相門。使之觀色非實色。舉體是真空。觀空非斷空。舉體是幻色。如是於理則見矣。於事猶未也。復開理事無礙門。使觀不可分之理皆圓攝於一塵。本分限之事。亦通遍於法界。如是。以理望事則可矣。以事望事猶未也。又開周遍舍容門。使觀全事之理。隨事而一一可見。全理之事。隨理而一一可融。然後一多無礙。大小相舍。則隱顯施爲神用不測矣。教觀既周。時儀已備。則判釋諸佛說法儀式至矣。盡

矣。無復加矣。以此自修無法不通。以此教他無機不被。是以三帝歸崇。兩朝悅服。李長者論讚於前。崔學士傳美於後。至於海內海外。莫不揚其化。天上天下。靡不仰其徽。質諸千古以上之聖賢而無訛。俟諸百世以下之俊傑而不惑。遂令法門隆盛。代有哲人。長水流布於東吳。蒼山崛起於西蜀。雲棲敷演於南海。交光發明於北嶺。猗歟休哉。奈何今義學家不得其門而入。見其教部廣大。意旨幽深。即如賢首大師著述。凡有一百餘卷。清涼國師現流傳者。約有四百餘卷。圭峯大師疏註。總有九十餘卷。浮狂者詆爲葛藤。愚鈍者視爲砂石。誰復能探其微。窺其奧哉。幸我乳峯得水大師。自弘法以來。朝夕提撕。時爲演唱。特未布諸方策。普令一切見聞耳。續法雖忝


輪下性極。顯蒙晝夜叅隨。日漸薰熟。竊謂此皆賢家所傳心法。若不傳於後葉。在已則有悞法之愆。在他安得正眼之益。爰將先師常所樂說者錄之。復尋諸大部中所切要者。集之。十餘年間。考閱再三。窮思至四。始成六卷。名之曰五教儀。庶得華嚴宗旨。彌播於塵寰。法界心印。重光於昔日。燈燈相續。化化無窮矣。謹述顛末。冀見此衷。至於知我罪我。所不暇計焉。

時

康熙十四年歲次乙卯秋仲望日

古杭慈雲灌頂行者續法題

賢首時儀教觀圖



賢首五教儀卷第一之一

清浙水慈雲沙門灌頂續法集錄

○總釋此儀分三
初總標章門

賢首大師判釋如來一代時教不出三時十

儀五教六宗三觀○
次別釋法義五初
三時二先總標

言三時者有別有通○
二別釋二先別
三時三初畧標

別三時者一日出先照時二日昇轉照時三

日沒還照時華嚴云或日初分時入或日中

分時入或日後分時入法華謂初善中善後

善是也○
二詳釋三一先照時二初通明時
教二先引華嚴證釋二一能依時

二先
牒舉

第一日出先照時者○
次證
明△華嚴經云譬

如日出先照須彌山等諸大高山如來應正

等覺亦復如是成就無邊法界智輪常放無

礙智慧光明先照菩薩摩訶薩等諸大山王

○
二所說教
三初標起△若約所說教相者○
二引證
三初教

因二初觀見因具
二一舉能見主△經云爾時世尊於菩提

樹下初成正覺時○
二明所見機
二一具八相△普見一

切衆生皆成正覺乃至普見一切衆生皆般

涅槃○
二具
萬德△普見一切衆生貪瞋癡慢諸

煩惱中有如來身智常無染汙德相備足○

二須假
緣悟△無一衆生而不具有如來智慧但

以妄想執着而不證得我欲教以聖道令其

永離妄想於自身中得見如來廣大智慧如

我無異○
二正
說△即於三七日中遂爲此等

衆生於菩提場稱於大方廣法界敷演萬行

因華以嚴本性令成萬德佛果○
三教益二
先述往因

△其有往劫與我同種善根曾得我於劫海

之中以四攝法而攝受者○
二叙今益二先
別舉他經證

△始見我身聞我所說即皆信受入如來慧

○後復引△乃至逝多林內。我入師子頻申

三昧。大衆皆證無盡法界。○三結△此一時

中。爲圓頓大根衆生。轉無上根本法輪。名爲

直顯教。令彼同教一乘人等。轉同成別。所謂

初善。或日初分時入也。○次引法華證釋△故法華

方便偈云。我始坐道場。時即自思惟。若但讚

佛乘。衆生沒在苦。不能信是法。破法不信故。

信解偈云。爾時長者處師子座。眷屬圍繞諸

人侍衛。出內財產。注記券疏。窮子見父。馳走

而去。即勅使者追捉。將來窮子驚喚迷悶。蹕

地。○二別指經部△其所說經。即華嚴梵網等也

○二轉照時二。先總二。初引華嚴等證二。先能依時二。初標牒

第二日昇轉照時者。中有二義。先總後別。○

次證明△先總明者。華嚴經云。但以山地有高

下。故照有先後。如來智輪亦復如是。隨諸衆

生根欲不同。智慧光明種種有異。楞伽亦云。

日出光等。照下中上衆生。如來照世間。爲分

部諸法。○次所說教三。初標起△若約所說教相者。○

二引證三。先明根機狹劣△經云。除先修習學小乘者。着

相憍慢。不信法者。及溺貪愛水着。於五欲者。

深入諸邪見。生死險道者。如是等衆生。諸根

悉暗鈍。着樂癡所盲。云何而可度。○次以大

△我於三七日。思惟如是事。若我遇衆生。盡

教以佛道。彼即沒苦海。毀謗不信故。疾入於

惡道。若以小乘化。乃至於一人。我則墮慳貪。

此事爲不可。進退難爲遂。○後倣諸佛化儀△尋念

過去佛。所行方便力。始知過去佛。皆以三乘

引。然後令悟入究竟一佛乘故。我所得道。亦

應說三乘。作是思惟時。十方佛皆現。梵音慰

喻我。善哉釋迦文。第一之導師。得是無上法。

隨一切諸佛。而用方便力。我聞慰喻音。隨順諸佛意。始往波羅奈。轉四諦法輪。讚示涅槃法。度陳如五人。漸漸諸處。乃至千萬。亦爲求緣覺者。說十二因緣。亦爲求大乘者。說六波羅蜜。中間爲說方廣般若。諸甚深法。淘汰如上聲聞緣覺。引進權乘諸小菩薩。○三結顯△此一時中。爲下中上三類衆生。轉依本起末法輪。名爲方便教。令彼三類人等。轉三成一。所謂中善。或日中分時入也。○次引法華經證△故法華方便偈云。復作如是念。我出濁惡世。如諸佛所說。我亦隨順行。以方便力故。爲五比丘。說爲諸衆生類。分別說三乘。雖復說三乘。但爲教菩薩。○後別二初標列後別明者。於日中分照有三轉。謂初轉時。中轉時。後轉時也。○二廣釋三先初轉時

初轉時者。華嚴云。次照黑山。如來智輪。次照聲聞緣覺。謂佛初於鹿苑。爲鈍根下類衆生。轉小乘法輪。說一切諸法。皆因緣生。以破外道自然性等。又說緣生無我。翻彼外道實有我。執此一轉時。唯就境明實有依他。然猶未說大乘法空真如妙理。由是名之爲隱實教。令彼凡夫外道。轉凡成聖也。故法華云。長者知子愚癡狹劣。即以方便。更遣餘人。眇目矬陋。無威德者。汝可語之云。當相顧除諸糞穢。倍與汝價。窮子聞之。歡喜隨來。爲除糞穢。淨諸房舍。其所說經。即提胃阿含等也。○次中轉時中轉時者。華嚴云。次照高原。如來智輪。次照決定善根衆生。隨其心器。示廣大智。謂佛次於中時。爲中根一類衆生。轉三乘法輪。說一切諸法。皆唯識現。以破小乘心外有法。從因

緣生。又說緣生假有。翻彼小乘實有法執。此一轉時。始約心說盡空遍計。然猶未說一乘真空法性妙理。由是名之爲引攝教。令彼二乘人等轉小成大也。故法華云。長者有智。漸令入出。經二十年。執作家事。其所說經。即方廣深密等也。○三後轉時

後轉時者。華嚴云。然後普照一切大地。如來智輪。然後普照一切衆生。乃至邪定亦皆普及。爲作未來利益因緣。令成熟。故謂佛又於後時。爲利根上類衆生。傳一乘法輪。說一切諸法。本如來藏妙真如性。以破權乘。不了心境俱空無性。又說緣生即空。翻彼權乘二無我執。此一轉時。直據性顯中歸圓成。然猶未說一乘佛性。生佛平等。究竟真常實相妙理。由是名之爲融通教。令彼三乘人等轉權成

實也。故法華云。爾時長者。自知不久。示其金銀。眞珠玻瓈。諸物出入。皆使令知。其所說經。即般若妙智等也。○三還照時二。先通明時二。一能依時

第三日沒還照時者。此乃義取出現經意說云。如日沒時。還照高山。如來智輪最後還照菩薩摩訶薩等諸大山王。十定品云。譬如日天子周行照曜。晝夜不住。日出名晝。日沒名夜。菩薩亦復如是。法界品云。譬如日輪無有晝夜。但出時名晝。沒時名夜。菩薩智輪亦復如是。無有分別。但隨心現教化衆生。○二所說教

三一△若約所說教相者。○二引△經云。過

標起

證四十餘年。漸漸見其根熟。即中下機成上上品。如是之人。我今亦令得聞是經。入於佛慧。遂於靈鷲山中。告大衆云。世尊法久後。要當